

Kuştina Du'a ya 17 e salî

Zîna şîkakî

Mixabin, hê di nav kurdan de tê gotin : Ger filan kes mêr bûya wê namûsa xwe bişuşt! heniya xwe hilmaşt! serê xwe di nav xelkê de bilind bikira! çêlek navê naxirekê xerab dike! jinek navê êlekê xerab dike! ma heqê wê dêlkê ne qurşîneke!

Hezkirin û kîn, kuştin û jîyan, mirovatî û hovîtî, serbilindî û ser-nizmî, rû-sipîkirin û rûreşkirin, bi guneh û bê guneh, şer û xêr, ronahî û tarîfî, binamûsî û bênamûsî. Di ferhengan de, gotinin dij hevin, û di navbera wan de tayek dezî ye, zû diqete, û mirovê nezan, zû-zû ji alîyekî derbasê yê din dibe .

Hezkirin rengê ji rengên nexweşiyê ye ; nexweşiyêke bi lizet û xweş e ; kes nikare dijî wê bibê, û ne jî rûyê xwe li ber vê rastiye reş bike, yek ji durv û xûyên mirovatiyê ye ; tu dara ku ba li sêrî nexin nînin. Kuştin jî rengê ji rengên nexweşiyê ye, lê hema nexweşiyêke pîs û genî ye .

Du'aya 17 salî çi guneh kiri bû? Ew bê guneh bû ; ên ku ew bi hovîtî kuştine gunehbar in. Tu gunehê wê tune bû, dilê wê tijî hezkirin bû ; dilê kesên ku ew kevir kirine, kuştine, tijî kîn bûn. Hezkirin ji mirovatiyê tê, lêdan û kuştin ji hovîtiyê tî. Dema mirov karên qenc bike, serê mirov bilind e, rûyê wî sipî ye ; zor, lêdan, kuştin serê mirovan nizim dike, û rûyê wan reş dike, wan gunehbar dike. Bênamûsiya mezin ew e ku keçikeka 17 salî bi wê hovîtiyê were kuştin. Di hemû rewêşt û 'adetên

dunyayê de hezkirin qenci ye, xêr e, ne pîsîfî û şer e, mirov, ji însanan, ji welatê xwe, ji Xwedê, ji jîyanê hez dike, ger keçek bi hezkirna xortekî navê êlekê xerab dike! kuştina wê



bi wê hovîtiyê , navê miletekî, gelekî xerab dike. Jin mirov e, jîyanê diyarî mirovan dike, kuştina wê ne mirovatiye, çawe emê mafên xwe yê mirovane daxwaz bikin! û mafê mirovan biparêzin! ger em mafê jîyanê ji jin, xûşk û qîzên xwe distînin .

Ev kuştina bi vî hawî, ne pênûs ; ne gotin ; ne hêstir ; ne sîlên ser çavan ; û ne jî kutên sîngan dikarin dilê mirov rihet bikin ; hiş û hestê mirov hêsa bikin, bêhna hovîtiyê ji vê kuştina hanê hildikele. Em ji welat, ziman, dîrok, û xwaka xwe hez dikin, dijmin me bi hovîtî dikuje ; lê ew dijmine ! şerên birakujiyê di navbera me de çê bûne, hema ew hizbîfî (partîzanî ye)! di dîrokê de 'eşîr û malbet li hember hev rabûne şer kirine sedemên wê hebûne ; dewlet û hukûmet li hember hev radibin, şer dikin, bercewandî, û talankirin sedemên wê ne ; dijmanyetî hebûye. Lê hema kuştina keçeke (zarokeke !! ciwaneke) hefdeh salî li navîna kolan ê, bi lêdana keviran, bi destê nêzkrîn kesên malbata wê li ber çavên dê !!, xûşk, xaltîk, met û jnînen cîran !!! dide ser hemî rengên hovîtiyê, ji ber ku hezkirin sedemek ji sedemên jor dîr e,

